

BORASDÁVDDA ČIELGGADANÁIGODAT
Pasieantadieđut

IS-0466
samisk

Čielggadeapmi go várohuvo ahte lea geahpesborasdávda

Don leat čujuhuvvon čielggadeapmái spesialistadea rvvašvuodabálvalussii go várohuvo ahte dus sáhtta leat borasdávda. Dássáži dat lea dušše juoga mii várohuvo. Eanaš pasieanttaide duođaštuvvo ahte várohus ii doallan deaivása manja go leat dárkilit iskkaduvvon, nu go don ge galggat dál.

Don leat čujuhuvvon geahpesborasdávda čielggadeapmái (Pakkeforløp for lungekreft). Borasdávda čielggadanáigodat galgá addit einnostahttivuođa ja oadjebasvuoda pasieanttaide ja oapmahačcaide ja lea našunála standardiserejuvvon geavat mas lea fágalaš vuodđu. Ulbmil lea dagahit ahte šaddá johtilis čielggadeapmi ja álgaheapmi divššus, ja garvit dárbašmeahtun vuordináiggi nu ahte čielggadeapmi šaddá nu einnostahttit ja lea nu unnán noadđin dutnje go vejolaš.

Čielggadanáigodat čilge maiddá man galle beaivvi dat iešguđetge oasit čielggadeamis berrejit váldit. Čielggadanáiggit leat norbman, eai riikkumeahtun gáibádusat. Muhttin pasieanttaide leat dálkkaslaš sivat dasa ahte čielggadanáigodat váldá guhkit dahje oanehat áiggi go dat mii čuožžu našunála čielggadanáigodagas.

• **Čielggadeapmi go várohuvo ahte lea borasdávda**

Ulbmil čielggademiin ja iskkademiiguin maid čađa don galggat dál mannat lea duođaštit ahte dus lea dahje ii leat borasdávda.

Sáhtta maiddá geavvat ahte don čujuhuvvot viidasat eará buozalmasvuoda čielggadeapmái. Jus čielggadeapmi čájeha ahte dus lea borasdávda, de oáččut dieđuid vejolaš divššu birra ja mii dáhpuhuvvá viidasat.

Buot buohccivesuin mat čielggadit ja dikšut borasdávda galget leat sierra čielggadeami koordináhtorat geat ráhkkanahttet du čielggadanáigodaga, dan bokte ahte dingojit diimmuid iešguđetge iskkademiide ja iskosiidda maid don fertet váldit. Sáhtta váldit oktavuoda čielggadeami koordináhtoriin praktihkalaš jearaldagaiguin čielggadeami, diimmuid ja sullasaš áššiid ektui. Čielggadeami koordináhtor lea dávjá buohccidivššár, muhto sus sáhtta maiddá leat eará duogáš.

Lea álo doavttir guhte vástida dálkkaslaš jearaldagaide.

Galggat oážžut diehtit makkár iskkadeamit leat guoskevaččat dutnje, ja goas dat iešguđetge iskkadeamit dahje iskosat galget dahkkot.

• **Čielggadandásit**

Dábálaččat lea čielggadeapmi dahkkojuvvon 28 beaivvis. Muhtomin ádjána guhkit dálkkaslaš sivaidda dihte. Dát lea dat áigi mii lea dan rájes go buohccivesu lea ožžon čujuhusa fástadoaktáris dassá čielggadeapmi lea loahpahuvo ja lea duođaštuvvon ahte dus lea dahje ii leat borasdávda, dahje leat ožžon diagnosa ja lea mearriduvvon makkár divššu galggat oážžut. Áiggit leat čállojuvvon našunála geahpesborasdávda čielggadanáigodahkii.

lešguđet dásit čielggadeamis ja divššus	Kommentárat	Ávžžuhuvvo ovdal:						
Dássi 1: Áigi mii lea dan rájes go buohccivesu oážžu čujuhusa dassá don boadát buohccivissui vuosttaš háve	Čielggadeami koordináhtor fuolaha ahte dutnje biddjojuvvojit dat diimmut mat dus galget leat čielggadeamis.	7 kaleandarbeaivvi						
Dássi 2: Áigi mii lea dan rájes go boadát buohccivissui vuosttaš háve dassá čielggadeapmi lea loahpahuvo	Dán áigodagas dahkkojuvvojit iskkadeamit dus čielggadan dihte ahte leago dus borasdávda vai ii. Go várohuvo ahte lea borasdávda váldo dávjá iskkadeapmi soddjilis bohccin masa lea kámara biddjojuvvon geahččái, dan stivrejit vulos giehkira čađa, nu gohčoduvvon bronkoskopiija. Váldojuvvojit maiddá seallaiskosat bidjan dihte diagnosa. Sáhtta maid leat dárba eará iskkademiide. Go bohtosat iskkademiin ja iskosiin leat gárvá-sat, de dábálepmosit sáhtta duođaštuvvot ahte leago dus borasdávda vai ii. Váldojuvvo mearrádus diagnosa birra. Jus dus ii leat borasdávda, de loahpahuvo čielggadanáigodat.	21 kaleandarbeaivvi						
Dássi 3: Áigi dan rájes go lea duođaštuvvon ahte dus lea borasdávda dassá dikšu álggahuvo.	Jus dus lea borasdávda, de dál plánejuvo makkár dikšu dutnje lea buoremus. Mearrádus makkár divššu don galggat oážžut dahkko ovttaš duinna, dábálaččat lea árvvoštallan man fágaidrasttildeaddji team-čoahtkin lea dahkan mii lea vuodđun dasa. Geahpesborasdávda dikšojuvvo operašuvnnain, suonjardivššuin dahje seal-lamirkkuin, dušše ovttain dikšovugiin dahje moadde dikšovuogi lotnolagaid.	<table border="1"> <tr> <td>Operašuvdna</td> <td>14 kaleandarbeaivvi</td> </tr> <tr> <td>Dálkkaslaš dikšu</td> <td>7 kaleandarbeaivvi</td> </tr> <tr> <td>Suonjardikšu</td> <td>14 kaleandarbeaivvi</td> </tr> </table>	Operašuvdna	14 kaleandarbeaivvi	Dálkkaslaš dikšu	7 kaleandarbeaivvi	Suonjardikšu	14 kaleandarbeaivvi
Operašuvdna	14 kaleandarbeaivvi							
Dálkkaslaš dikšu	7 kaleandarbeaivvi							
Suonjardikšu	14 kaleandarbeaivvi							

Pasieanttat geain lea geahpesborasdáv-
da sáhttet dábálepmosit álggahit divššu
ovdal 35 - 42 kaleandarbeaivvi leat gollan
dan rájes go buohcciviessu lea ožžon
čujuhusa. Muhtumiidda ádjána guhkit,
dálkkaslaš sivaid dihte. Du doavttir
galgá addit dutnje dieđuid dan birra man
sáhtát vuordit, ja addit eanet dieđuid du
čielggadanáigodaga birra.

Don gávnnat eanet dieđuid siiddus
helsenorge.no/lungekreft. Buohcciviesus
gos čielggaduvvot leat maiddá dieđut
iežaset ruovttusiiddus.

Notáhtat